

Hic ergo Pō-
tiffex d. licen-
tiam conce-
dit.

Sacerdotes
que eorum
divina officia
eisdem pauperibus
recitare
poffe decer-
nit.

Et omnium
in eorum lo-
cis degentium
confefiones
audire, & eos
absolvere uti
locorum or-
dinationes poffe
indulget.

Defensores,
& hujus Con-
stitutionis e-
xecutores de-
putat.

tur, in dies eorum numerus augetur, & augeri speratur, & sicut eadem expositio subiungebat, si in eisdem Hospitalibus, que per dictos Clericos, & Laicos infirmul gubernari consueverunt, unus Superior, vel caput, qui inibi pro tempore fervientes congregari facere, & de loco ad locum mutare valerent, existeret, Hospitaliaque ipsa, aliquibus prerogativis decorarentur, profecto salubri ipsius Hospitalis, & illi deservientium predictorum directioni, & quieti plurimum confuleretur, ac in illis degentes pauperes hujusmodi, & melius gubernarentur, dictaque persone in eo confoverentur, & ad solita servitia invitarentur. Quare pro ipsorum pauperum, & deservientium personarum parte Nobis fuit humiliter supplicatum, ut in premissis opportune providere de benignitate Apostolica dignaremur.

§.2. Nos igitur, qui caritatis opera ubique exerceri, sinceris desideramus affectibus, quemlibet ex pauperibus personis predictis, a quibusvis excommunicationis, suspensionis, & interdicti, aliisque Ecclesiasticis sententiis, censuris, & penis, a jure, vel ab homine, quavis occasione vel causa latis, si quibus quomodolibet innodatus existit, ad effectum presentium dumtaxat consequendum, harum serie absolventes, & absolutum fore censentes, hujusmodi supplicationibus inclinati, auctoritate Apostolica tenore presentium eisdem Hospitalibus, quod pauperes, & persone in eis pro tempore degentes, & deservientes, unam ex personis inibi deservientibus hujusmodi Ecclesiasticam, vel secularem, inter eos Superiorem, vel caput, que ipsos congregari facere, ac de loco ad locum mutare, & quecumque statuta, & ordinationes licita, & honesta, ac sacris Canonibus non contraria condere, ipsaque statuta, quoties ei videbitur mutare, ac de novo statuere possit, eligere.

§.3. Necnon Sacerdotes eisdem pauperibus pro tempore deservientes, horas Canonicas, diurnas pariter & nocturnas, Missas, & alia divina officia, secundum ritum, & morem, & usum S. R. E. etiam novissime editum dicere, & recitare.

§.4. Ipsosque pauperes, ac omnes, & singulos in dictis Hospitalibus deservientes dumtaxat, eorum confessionibus diligenter auditis, ab eorum omnibus, & singulis peccatis, casibus, criminibus, excessibus, & delictis, a quibus locorum Ordinarii absolvere consueverunt, absolvere, ac pro commissis poenitentiam salutarem injungere libere, & licite valeant, perpetuo concedimus, & indulgemus.

§.5. Quocirca Venerabilibus Fratribus nostris Casertan., Feliten., & Vifionen. Episcopis per Apostolica scripta mandamus, quatenus ipsi, vel duo, aut unus eorum per alium, seu alios, auctoritate nostra faciant presentes literas, & in eis contenta quecumque, plenum effectum sortiri, ac inviolabiliter observari, illisque pauperes Sacerdotes predictos, ac omnes, & singulos

alios, quos quomodolibet concernunt, pacifice frui, ac gaudere, juxta presentium continentiam, & tenorem. Non permittentem quemquam contra illorum tenorem, modo aliquo molestari, impediri, aut inquietari. Contradictores per censuram Ecclesiasticam appellatione postposita compescendo.

§.6. Non obstantibus Apostolicis, ac in Provincialibus, & synodalibus Conciliis editis, generalibus, vel specialibus, Constitutionibus, & ordinationibus, ac statutis, & consuetudinibus; privilegiis quoque, indultis, ac literis Apostolicis, etiam in forma Brevis per quoscumque Romanos Pontifices Predecessores nostros, & Nos ac Sedem predictam, etiam per viam generalis legis, & statuti perpetui, & iusti, ac stipulati contractus, ac motu proprio, & ex certa scientia, ac de Apostolica potestate plenitudine, etiam cum quibusvis irritativis, annullativis, cassativis, revocativis, preservativis, exceptivis, restitutivis, declarativis, ac derogatoriis derogatoriis, aliisque fortioribus, efficacissimis, & insolitis clausulis, irritantibus, & aliis decretis, etiam quibusvis locorum Ordinariis sub quibusvis verborum formis extensionibus concessis, confirmatis, & innovatis, quibus (illorum omnium tenores presentibus pro sufficienter expressis habentes) illis alias in suo robore remanentibus, hac vice dumtaxat harum serie specialiter, & expresse derogamus, contrariis quibuscumque. Aut si aliquibus communiter, vel divisim ab eadem sit Sede indultum, quod interdicti, suspendi, vel excommunicari non possint per literas Apostolicas non facientes plenam, & expressam, ac de verbo ad verbum de indulto hujusmodi mentionem; & qualibet alia dicta Sedis Indulgentia, generali vel speciali, cujuscumque tenoris existat, per quam presentibus non expressam, vel totaliter non insertam, effectus hujusmodi gratie impediri valeat quomodolibet, vel differri, & de qua, cujusque toto tenore habenda sit in nostris literis mentio specialis. Nos enim ex nunc irritum decernimus, & inane quidquid secus super his a quoquam quavis auctoritate, scienter vel ignoranter contigerit attentari. Nulli ergo &c.

Dat. Romae apud S. Marcum Anno Incarnationis Dominice Millesimo quingentesimo quadagesimo, Nonis Junii Pontificatus nostri Anno VI.

Contraria tollit.

D. P. An. VI. die 5. Junii.

XXVIII.

Privilegia, & gratie Praelatorum Referendariorum utriusque Signaturae Romani Pontificis.

PAULUS EPISCOPUS
SERVUS SERVORUM DEI
Ad futuram rei memoriam.

Debita consideratione pensantes quantum Venerabiles Fratres Episcopi, ac dile-

Causa istius Constitutionis.

Referendarios, creat Sedis Apostolicae Notarios, & Comites Palatinos, ac vere Nobilitatis titulo decorat, &c.

dilecti filii in minoribus constituti, utriusque Signaturae, supplicationum videlicet, & Commissionum per Nos, seu in praesentia nostra signandarum, infra scripti Referendarii nostri, qui praeter officialibus, & ministris nostris propinquius Nobis affluunt, circa ipsas supplicationes, & commissiones, pro nostro, & Apostolicae Sedis honore, ac universalis Ecclesiae utilitate, & alias gratis, prompta voluntate, indefesse laborant, dignum, quin potius debitum reputamus, ut illos specialis benevolentiae favoribus amplectamur, ac praeclearis dignitatum titulis decoremus, & alias Nos eis (prout convenit) gratiosos exhibeamus.

§.1. Hinc est, quod Nos fel. rec. Leonis X. & Clementis VII. Romanorum Pontificum Predecessorum nostrorum vestigiis inherentes, eosdem infra scriptos Referendarios nostros, qui Praelati, ac etiam familiares continui commensales nostri existunt, condigni favoris gratia, & excellentiae dignitate sublimare, ac opportunis favoribus munire volentes, ipsosque Referendarios, ac eorum singulos a quibusvis excommunicationis, suspensionis, & interdicti, aliisque Ecclesiasticis censuris, & penis, a jure, vel ab homine, quavis occasione vel causa latis, si quibus vel quomodolibet innodati existunt, ad effectum presentium dumtaxat consequendum, harum serie absolventes, & absolutos fore censentes, Motu proprio, non ad ipsorum Referendariorum, vel aliorum pro eis Nobis super hoc oblate petitionis instantiam, sed de nostra mera deliberatione, & ex certa scientia, auctoritate Apostolica tenore presentium, praefatos Referendarios, & eorum singulos, qui Praesules non sunt, ac alios infra scriptos, & eorum singulos in nostris, & dictae Sedis Notarios gratiose recipimus, eosque, & alios, qui Praesules existunt, ac eorum singulos in Sacri Palatii, & Aulae Lateranensis Comites, necnon qui nobiles non sunt, Nobiles facimus, constituimus, ordinamus, & deputamus, ac nobilitamus, necnon Nobilitatis titulo, & favore decoramus, ac aliorum nostrorum, & Sedis praedictae Notariorum, necnon Palatii, & Aulae hujusmodi Comitum, ac ex Magno Baronum, & Nobilium genere procreatorum numero, & consortio favorabiliter aggregamus, eoque deinceps Nobiles esse, & pro Nobilibus reputari, nominari, teneri, censer, & judicari. Ac de cetero in quibusvis concessionibus, & literis, tam gratiam, quam justitiam concernentibus, a Nobis, seu Sede praedicta impetratis, seu impetrandis, vel eis a Nobis, aut aliis quibuscumque concessis, & concedendis, ac instrumentis, seu aliis scriptis etiam authenticis, & privatis, Nobiles nominari, & pro talibus haberi posse, & debere volumus. Eisque quod omnibus, & singulis privilegiis, praeminentiis, indultis, immunitatibus, libertatibus, exemptionibus, facultatibus, honoribus, antelationibus, prerogativis, etiam in affectuone quorumcumque Beneficiorum Ecclesiasticorum, etiam vigore gra-

tiarum expectatarum, & illarum mutationum, extensionum, & revalidationum, collationum, & quarumcumque aliarum gratiarum, & indultorum, quibus ceteri nostri, & dictae Sedis Notarii de numero participantium existentes, & absque illorum praedictorum Comites, necnon veri, & indubitati Nobiles, & ex Nobilium genere ex utroque parente procreati, tam de jure, quam consuetudine, seu alias quomodocumque utuntur, potiuntur, & gaudent, ac uti, potiri, & gaudere poterunt quomodolibet in futurum, in iudicio, & extra, ac ubicumque locorum uti, potiri, & gaudere debeant in omnibus & per omnia, perinde, ac si Referendarii, & alii infra scripti, de dicto Magno Baronum, & Nobilium genere ex utroque parente, vere & non ficto procreati, & geniti forent, concedimus. Ac eorum singulis, sublatis quibusvis obstaculis, & impedimentis, veros Nobiles esse, & de Nobili ex dicto genere ex utroque parente procreatos censer, & de decernimus, & declaramus.

§.2. Et in signum honoris, & Nobilitatis hujusmodi, eis & eorum cuilibet, pro insigniis, & armis, quibus ipsi, & ab eis descendentes, & ascendentes uti possint in decorem, partem insigniorum nostrorum, si eis uti voluerint, etiam cum vel absque armis suis, si illa habuerint, vel illis usi fuerint, aut sine ipsis, prout duxerint ordinandum, seu eligendum, assignamus, & perpetuo decoramus.

§.3. Et eis illos, quos moribus, scientia, etate, aliisque requisitis qualitatibus ad officium Tabellionatus exercendum idoneos esse repererint, ad instar aliorum dicti Palatii Comitum, ubique locorum, extra tamen muros Urbis, seu locum in quo Romanam Curiam residere contigerit, Notarios, Tabelliones publicos, ac Judices ordinarios (recepto prius ab eis, juxta formam presentibus adnotatam, solito Juramento) creandi, deputandi, & constituendi, ac de Notariatus, & Tabellionatus, ac Judicatus officii hujusmodi per penam & calamare (ut moris est) investendi.

§.4. Necnon quoscumque spurios, naturales, Bastardos, Manferes, Nothos, & incestuosos, copulative, vel disjunctive ex quocumque illicito, etiam sacrilego, vel damnato coitu, pro tempore procreatos, seu genitos, viventibus, seu mortuis eorum parentibus, legitimandi, & habilitandi, & ad hereditates, & bona, prout Collegium Archivi dictae Romanae Curiae, vel ejus Officiales juxta facultatem eis per pia memoriae Julium Papam II. etiam Praedecessorem nostrum concessam, vel alias ipsi Comites Palatini de jure, vel consuetudine, legitimare, & habilitare respective possint, legitimandi, & habilitandi, & ad officia saecularia, publica, & privata, ac honores, & bona quaecumque restituendi, & reintegrandi.

§.5. Necnon quoscumque idoneos (ad-

Insignia sua eis donat.

Notarios creandi facultatem dat.

Bastardosque legitimandi.

Doctorandi etiam in utroque jure &c.

tribus Magistris, seu Doctoribus, aut Licentiatibus in facultate, in qua promovendi erunt, quos ad hoc duxerint eligendos, eorum votis juratis, in utroque, vel alterum Jurium, & Theologia, ac Artibus ad Bachalureatus, & Licentiatum, ac Doctoratus, & Magisterii gradus respective ubique locorum promovendis. eisque sic promotis legendi, disputandi, interpretandi, ac alios actus ad personas hujusmodi gradibus constitutas quomodolibet pertinentes faciendi, & ipsorum graduum solita insignia, & auctoritatem conferendi. Ac sic promoti, quod omnibus, & singulis privilegiis, immunitatibus, nobilitatibus, concessionibus, honoribus, libertatibus, præeminentiis, & prærogativis, quibus alii in Bonon., Parisien., Lovanien., Tholosan., ac quibusvis aliis Universitatibus, in quibus Studium generale viget, promoti, etiam in assuetudine Beneficiorum Ecclesiasticorum utuntur, potiuntur, & gaudent, ac uti, potiri, & gaudere quomodolibet poterunt in futurum, non solum ad ipsorum instar, sed pariformiter, & absque ulla differentia, perinde, ac si vere, & non fiste, in aliqua ex eisdem Universitatibus, rigore examinis præcedente, ac aliis solemnitatibus servari solitis observatis, & alias juxta formam statutorum, ac consuetudinum ipsarum Universitatum, ac privilegiorum illis concessorum, promoti fuissent, uti, potiri, & gaudere valeant, concedendi, plenam, & liberam facultatem concedimus.

Mitra, Annulo, & Baculo Pastoralis utendi, & solemnem Benedictionem dandi facultas eisdem Referendariis conceditur.

Referendarii & eorum duo familiares, A. post. & alias expeditiones gratis obtineant.

§.6. Præterea eisdem Referendariis, & aliis infra scriptis, ac eorum singulis, Monasteria, quorum Abbates pro tempore existentes mitra, & aliis Pontificalibus insigniis, ex privilegio Apostolico, vel alias, uti consueverunt, in commendam pro tempore obtinentibus, in ipsis Monasteriis perinde, ac si illis ut Abbates præessent, Mitra, Annulo, & Baculo Pastoralis, ac aliis Pontificalibus insigniis hujusmodi uti. Necnon solemnem Benedictionem post Missarum, Vesperarum, Matutinorum, & aliorum Divinorum Officiorum Solemnia, super populum tunc interfessentem [dummodo inibi aliquis Antistes, seu dictæ Sedis Legatus præsens non sit, vel si præsens fuerit, ad id ejus accedat assensus] largiri libere, & licite valeant.

§.7. Illique, ac alii omnes, & singuli Referendarii, ac alii prædicti, ut duos familiares in rotulo familiarium nostrorum numeratos habeant; & tam ipsi Referendarii, quam duo adnotandi familiares, quoad expeditionem quarumcumque literarum Apostolicarum, tam gratiam, quam justitiam concernentium, necnon instrumentorum, & aliorum quorumcumque gratis ubique in omnibus officiis, tam Cancellariæ, etiam Solicitorum literarum Apostolicarum Camere Apostolicæ, quam in Auditorio Rotæ, & in quibusvis aliis, ordinariarum, & extraordinariorum Judicum tribunalibus, absque alio speciali mandato desuper expediendo, omni contradictione, & dilatione cessantibus, expediant, prout

alii familiares continui commensales nostri in dicto rotulo descripti, & prout causarum Palatii Apostolici Auditores expediunt.

§.8. Ipsique Referendarii, & eorum singuli pro eorum usu ex Ripa, & Ripetibus nostræ Urbis sex vegetes vini communis singulis annis gratis ad instar Clericorum Camere Apostolicæ libere extrahere possint indulgemus.

§.9. Et nihilominus Referendarios, & alios prædictos, ac eorum singulos, ac illorum omnia, & singula Beneficia, & Officia Ecclesiastica, quæ obtinent, ac in futurum canonice obtinebunt, & in illis pro tempore deservientes, ac Cappellanos, familiares, & servitores suos, tam præsentibus, quam futuros, & sua, ac illorum bona, quoad vixerint, ab omni jurisdictione, correctione, visitatione, dominio, superioritate, & potestate Archiepiscoporum, Episcoporum, Prelatorum, & Ordinariarum locorum quorumcumque, illorumque Vicariorum, & Officialium, Locatenentium, & Judicum, etiam a dicta Sede delegatorum, aut subdelegatorum quomodolibet, nunc, & pro tempore existentium. Eosque in rebus, & bonis illorum propriis dumtaxat, cum eis contrahentes a solutione, & exactione quarumcumque pedaggi, gebellæ, bollestarum, decimarum, & cujusvis alterius oneris, tam ordinarii, quam extraordinarii, ubicumque locorum, & quacumque causa, etiam per Synodales Constitutiones impositi, vel imponendi, eximimus, & totaliter liberamus, ac sub B. Petri, & Sedis prædictæ, atque nostræ protectione suscipimus, Nobisque, & dictæ Sedi medietate submittimus, ac liberos, immunes, exemptos, susceptos, & subiectos omnes constituimus, & declaramus, & decernimus, ita quod Archiepiscopi, Episcopi, Prelati, Ordinarii locorum, eorumque Vicarii, Officiales, Locatenentes, & Judices, etiam a Sede prædicta deputati præfati, & alii quicumque, etiam ratione delicti contractus, vel rei, de qua ageretur, ubicumque committatur delictum, inatur contractus, aut res ipsa consistat, nullam in eis, aut aliquem eorum, ac Beneficia hujusmodi, & in illis deservientes, Cappellanosque familiares, & servitores suos, præsentibus, & futuros, ac bona prædicta, jurisdictionem, correctionem, visitationem, dominium, superioritatem, & potestatem exercere, aut alias injurias, & damna irrogare, ac excommunicationis, aliasque sententias, censuras, & poenas proferre. Nec exactores gabellarum, pedagiorum, decimarum, & onerum hujusmodi, ad aliquam solutionem eos coartare, aut alii quicumque, cujuscumque Ecclesiasticæ, vel mundanæ dignitatis, status, gradus, conditionis, & præeminentiæ existant, illos super præmissis, & illorum usu, a possessione, seu quasi etiam ex quocumque crimine, vel delicto, præterquam in nostram, & Romanæ Ecclesiæ offensam perpetrato, directe, vel indirecte, quovis quesito colore, vel ingenio molestare, aut alias quomodolibet impedire quo-

Vini gabellæ Riparum Urbis non solvantur.

Exemptique sunt ipsi, & eorum familiares, ac Beneficia a jurisdictione Ordinariæ &c.

re quoquomodo præsumant, aut debeant, seu etiam valeant, sed solum Referendarii, deservientes, Cappellani familiares, & servitores præfati coram Nobis, & Sede prædicta dumtaxat, de justitia respondere teneantur. Decernentes quoscumque processus, sententias, censuras, & poenas Ecclesiasticas, quos, & quas per Archiepiscopos, Episcopos, Prelatos, locorum Ordinarios, illorumque Vicarios, & Officiales, Locatenentes, & Judices, etiam a Sede prædicta delegatos, aut subdelegatos, ac alios prædictos, aut eorum aliquos, contra Referendarios, & alios infra scriptos, ac deservientes, Cappellanos, familiares, & servitores præfatos haberi, seu promulgari contigerit, & quæcumque inde secuta, nulla, irrita, & inania, nulliusque roboris, vel momenti fore, & esse.

Gratias expectativas, & plura Beneficia, ut hic consequi possunt.

§.10. Ceterum Referendariis, & aliis prædictis, ac eorum singulis, ut literas gratiarum expectatarum, cum eis generaliter concedi contigerit, absque aliqua signatura desuper obtinenda, ad tres collationes per singulos eorum eligendas, & totidem Beneficia etiam cum creatione in Canonicum quarumcumque trium Cathedralium, etiam Metropolitanarum, vel Collegiarum Ecclesiarum, sub expectatione totidem inibi præbendarum, etiam majorum, & pinguiorum, ad dignitatum, personatum, administrationum, & officiorum, etiam Curatorum, & electivorum, ac ferulorum, obligeantur, addimentoium, præfationum, seu præfationum portionum, aut simplicium beneficiorum, unius, duorum, vel plurium cedentium, vel decedentium ipsarum Ecclesiarum Canonicorum, seu alias in earum Civitatibus, seu Diocæsi-bus beneficiorum, aut ad tria Beneficia Ecclesiastica, etiam si duo illorum cum cura, aut Decanatus, vel Archiepiscopatus rurales, seu Vicaria, vel Capellania perpetua, qui, vel quæ dignitates, etiam curatæ, extra tamen Cathedrales Ecclesias repræsententur, aut dignitates, vel personatus, seu singula eorum Canonicatus, & præbenda, administratio, vel officium, etiam curatum, & electivum in Cathedralibus, etiam Metropolitanis, vel Collegiatis Ecclesiis, aut unum ex eis cum cura, vel sine cura, cujusvis Ordinis Regulare, etiam si Prioratus, Præpositura, Præpositatus, vel alia dignitas, non tamen Conventualis, personatus, administratio, vel officium, etiam curatum, & electivum, non tamen claustrale, ac illud, vel unum, ex secularibus beneficiis hujusmodi, ex quavis causa dispositioni Apostolicæ specialiter, vel per Cancellariæ Apostolicæ regulas, aut alias ex quavis causa, etiam de necessitate exprimentanda, præterquam ratione vacationis illius apud Sedem prædictam, aut familiaritatis continuæ commensalitatæ nostræ, aut alius ex S.R.E. Cardinalibus viventibus, & in Romana Curia presentibus, quorum consensus requireretur, generaliter reservata existant, quorum fructus, redditus, & proventus ducentorum ducatorum auri de

Camera, secundum taxationem decimæ, valorem annuum non excedant, secularia, videlicet, per ipsos in minoribus constitutos in titulum, regularia vero in commendam. Ac tam regularia, quam secularia Beneficia hujusmodi per Præfules Referendarios in commendam retinenda, etiam extra nationem, in qua idioma non intelligunt, pro eis, & eorum quolibet, cum reservatione, inhibitione, & decreti, ac aliis clausulis opportunis expedire, ac in, & sub illis comprehensorum quorumcumque, cum cura, & sine cura, secularium, & regularium cujuscumque qualitatis existentium beneficiorum Ecclesiasticorum assuetudine, quibuscumque aliis, nullis prorsus (præterquam S.R.E. Cardinalibus) exceptis, omnino præferri pariter, & anteferri possint, & debeant. Et quævis antelationes, prærogativæ, decreta, declarationes, suspensiones, & clausulæ etiam derogatoriæ, quibuscumque aliis concessæ, etiam si in eis caveretur expresse, quod illis per alia privilegia, literas, & indulta derogari, vel illorum effectus suspendi non possent, & in assuetudine per eos faciendâ, singulis aliis personis, etiam similes, aut illis majores prærogativas pro tempore prosequentes, omnino possent, & deberent anteferri, quominus ipsi Referendarii in hujusmodi per eos faciendâ assuetudine potiores existant, cuiquam suffragentur, absque tamen præjudicio familiarium continuorum commensalium nostrorum descriptorum, illorum videlicet, qui pro tempore assumptionis nostræ ad summum Apostolatus apicem nostri familiaris continui commensales extiterunt, necnon quinquaginta aliorum post ultimum ex prædictis antiquis familiaribus descriptis adnotatorum. Ipsique Referendarii ad satisfaciendum constitutioni de publicandis acceptationibus, & provisionibus, ac illis intimandis possessoribus, seu eis ad iudicium evocandis pro tempore cedendis minime teneantur, sed tantum novam provisionem a die notitiæ vacationis illorum habere debeant, quæ alias diligentias fieri necessarias, ac defectus suppleant, indulgemus. Et insuper cum singulis Referendariis, ac aliis prædictis, ut quæcumque quatuor curatæ, seu alias invicem incompatibilia, & secularia, aut cum uno, vel duobus, aut tribus ex eis, seu absque illis, unum cum cura, vel sine cura S. Benedicti, vel S. Augustini, aut cujusvis alterius, etiam Cluniacæ, Cisterciensium, Præmonstratensium, vel Grandimonen. Ordinis Regularis, necnon quæcumque alia tria similia, vel dissimilia sub singulis tribus testibus quarumcumque trium Ecclesiarum consistentia Beneficia Ecclesiastica, etiam si sub eisdem testibus consistentia, Canonicatus, & Præbendas, ac tam illa, quam incompatibilia secularia, dignitates, personatus, administrationes, vel officia in Cathedralibus, etiam Metropolitanis post Pontificales majores, seu Collegiatis Ecclesiis hujusmodi principales, aut tria ex ipsis incompatibilibus, secularibus beneficiis Parochialibus Ecclesiæ, vel earum

perpetuae Vicariae, regularia vero beneficia huiusmodi, Prioratus, praepositura, praepositus, dignitas, personatus, administratio, vel officium, seu talia mixtum fuerint. Et ad Prioratum, praeposituram, praepositatum, dignitates, personatus, administrationes, vel officia huiusmodi confueverint qui per electionem assumi, eisque cura imminuat animarum, si eis alias canonicè conferantur, aut eligantur, praesententur, vel alias assumantur ad illa, & insituantur in eis, recipere. Et saecularia in titulum, ac regulare in commendam sub eisdem testis consentientia, videlicet, si singula illorum Canonicatus, & praebendae, aut totidem dignitates, personatus, administrationes, vel officia ad annum a die habite per eos illorum pacificae possessionis computandum dumtaxat. Si vero alia fuerint illa, ac incompatibilia saecularia, necnon regularia beneficia huiusmodi, quoad vixerint, retinere, illaque omnia simul, vel successive, simpliciter, vel ex causa permutationis, quoties eis placuerit, dimittere, & eidem commendae cedere, ac loco dimissae, vel dimissorum aliud, vel alia simile, vel dissimile, aut similia, vel dissimilia beneficium, vel beneficia, Ecclesiasticum, vel Ecclesiastica, quatuor dumtaxat curata, seu alias invicem incompatibilia saecularia, aut cum uno, vel duobus, seu tribus ex eis, aut abique eis, unum cum cura, vel sine cura Sancti Benedicti, vel Augustini, aut cuiusvis alterius, etiam Cluniacen., Cisterciens., Praemonstraten., vel Frontisebrandi Ordinis Regulare, necnon tria alia similia, vel dissimilia, sub singulis tribus testis, quarumcumque trium Ecclesiarum consentientia similiter recipere. Et insimul saecularia in titulum, ac regulare in commendam sub eisdem testis consentientia, si illorum singula Canonicatus, & Praebendae, aut totidem dignitates, personatus, administrationes, vel officia ad annum, ut praemittitur, computanda dumtaxat. Si vero alia fuerint, illa ac incompatibilia saecularia necnon regulare beneficia huiusmodi, dummodo inter illa omnia, ultra quatuor incompatibilia, & inter ipsa incompatibilia, saecularia, plures quam tres Parochiales Ecclesiae, vel earum perpetuae Vicariae. Ac post dictum annum, sub eisdem testis consentientia, duo Canonicatus, & Praebendae, aut totidem dignitates, personatus, administrationes, vel officia, ac regulare beneficia huiusmodi dignitas Conventualis, seu officium claustrale existant, quoad vixerint, retinere, necnon debitis, & consuetis ipsius regularis beneficii supportatis oneribus, & residuis illius fructibus, redditibus, & proventibus, sicut illud in titulum pro tempore obtinentes, de illis disponere, & ordinare poterunt, seu etiam debuerunt, (alienatione tamen quorumcumque illius bonorum immobilium, & preciosorum mobilium eis penitus interdicta) disponere, & ordinare, libere, & licite valeant. Quodque ratione quorumcumque beneficiorum Ecclesiasticorum curatorum, seu alias sacros, etiam

Presbyteratus ordines, etiam ex statuto, fundatione, consuetudine, privilegio, vel alias requirementum, per eos, & eorum quemlibet, nunc, & pro tempore obtentorum, usque ad septennium a fine anni a jure praefati computandum, ad aliquem ex dictis sacris etiam Presbyteratus ordinibus se promoveri facere minime teneantur, nec ad id a quoquam inviti compelli possint, dispensamus.

§.11. Ipsosque Referendarios, & alios infra scriptos, & eorum singulos, omnium Regnorum, Dominiorum, & Provinciarum legitimos, & naturales, ita quod ipsi, vel Procuratores sui illorum nomine, in Regnis, Dominiis, & Provinciis, huiusmodi quaecumque, & qualiacumque beneficia Ecclesiastica cum cura, & sine cura, saecularia, & quorumvis Ordinum regularia, etiam ut praefertur, qualificata, etiam vigore gratiarum expectatarum, specialium, vel generalium reservationum, illarumque collationum, mutationum, extensionum, revalidationum per Nos, & Successores nostros Rom. Pont. pro tempore existentes, & Sedem praedictam eis concessarum, & concedendarum acceptare, ac de illis sibi provideri facere. Et illa, ac si Regnorum, Dominiorum, & Provinciarum eorundem oriundi, ac in illis nati essent recipere, & retinere libere, & licite valeant, creamus, consuevimus, & deputamus.

§.12. Ac eisdem Referendariis, & aliis infra scriptis, ac eorum singulis, ut quoad vixerint in dicta Curia, vel aliquo beneficiorum Ecclesiasticorum, per eos pro tempore obtentorum, aut si contigerit ipsos per Nos, & Rom. Pontificem pro tempore existentem ad aliquem locum destinare, in eo loco residendo, aut literarum studio, in loco ubi illud vigeat generale, insisterendo, omnes, & singulos fructus, redditus, & proventus quorumcumque beneficiorum Ecclesiasticorum per eos, in quibusvis Ecclesiis five locis, nunc, & pro tempore obtentorum, & obtinendorum, etiam si Canonicatus, & Praebendae, & alias, ut praefertur, qualificata fuerint, ac personalem residentiam ex statuto, fundatione, aut consuetudine requirant, etiam si fructus, redditus, & proventus unius beneficiorum huiusmodi, non nisi in distributionibus quotidianis consistant, & aliorum omnium cum ea integritate (quotidianis distributionibus quo ad alia dumtaxat exceptis) cum qua illos perciperent, si in eisdem Ecclesiis, five locis personaliter residerent, ac primam residentiam fecissent. Ac quo ad unum ex beneficiis huiusmodi, divinis, & omnibus aliis actibus interessent, & ad residendum interim, in eisdem Ecclesiis, five locis, in quibus beneficia ipsa fuerint, minime teneantur, nec ad id a quoquam inviti coartari valeant, percipere.

§.13. Ac residendo, ubi supra, eisdem beneficiis Ecclesiasticis, cum cura, & sine cura, Saecularibus, & Regularibus, quae in eisdem Ecclesiis five locis, in titulum, vel commen-

In quibusque Provinciae beneficia retinere possunt, ac si in illis nati essent.

Referendarii abfentes iustione Pontificis, aut Studii occasione, fructus beneficiorum percipere valeant.

Indultum circa residentiam.

commendam, ut praefertur, obtinent, & in posterum obtinebunt, per Cappellanos, seu Vicarios idoneos, ad eorum nutum amovibiles, in divinis deserviri, & animarum cura exerceri, & quaecumque Ecclesiastica Sacramenta ministrari facere libere, & licite valeant, Dioecesani loci, & cuiusvis alterius licentia super hoc minime requisita.

§.14. Necnon ut aliquem idoneum, Presbyterum Saecularem, vel cuiusvis Ordinis Regularem, in suum possint eligere Confessorem, qui vita eis comite in casibus Sedi praedictae reservatis (praeterquam offensae Ecclesiasticae libertatis, criminum haereticis, rebellionis, aut conspirationis in personam, vel statum Romani Pontificis, seu Sedem praedictam, falsitatis literarum Apostolicarum, supplicationum, & commissionum, invasionis, depraedationis, occupationis, aut devastationis terrarum, & maris Romanae Ecclesiae, mediate, vel immediate subjectorum, offensae personalis, in Episcopum, aut alium Praelatum, prohibitionis devolutionis causarum ad Rom. Curiam, delationis armorum, & aliorum prohibitorum ad partes infidelium) semel dumtaxat in vita, in aliis vero quoties fuerit opportunum, confessionibus eorum diligenter auditis, pro commissis eis debitam absolutionem impendat, & injungat poenitentiam salutarem. Necnon vota quaecumque (ultramarina, visitationis liminum, Apostolorum Petri, & Pauli, ac S. Jacobi in Compostella, necnon castitatis, & religionis votis dumtaxat exceptis) in alia pietatis opera commutare valeat. Quodque Confessor, quem duxerit eligendum, omnium peccatorum suorum, de quibus corde contriti, & ore confessi fuerint, etiam semel in vita, & in mortis articulo, plenam remissionem eis in sinceritate fidei, unitate dictae Romanae Ecclesiae, ac obedientia nostra, & Successorum nostrorum Rom. Pont. canonicè intrantium, persistentium, auctoritate Apostolica concedere possit. Sic tamen, quod idem Confessor de his, de quibus fuerit alteri satisfactio impendenda, eam, illis per eos, si supervixerint, vel per alios si forsan tunc decesserint, faciendam injungat, quam ipsi, vel alii facere teneantur.

§.15. Liceatque eis habere altare portatile, super quo in locis ad hoc congruentibus & honestis, sine juris alieni praedictio, & quum qualitas negociorum pro tempore ingruentium id exegerit, etiam antequam illucescat dies, circa tamen diurnam lucem, si forsan eos ad loca Ecclesiastico interdicto, tam ordinaria, quam Apostolica auctoritate supposita eos declinare contigerit, in illis clausis januis, non pulsatis campanis, & submissa voce, excommunicatis & interdictis exclusis, in sua & familiarium suorum domesticorum, ac quatuor aliarum personarum utriusque sexus, per eos & quemlibet eorum eligendarum praesentium, (dummodo ipsi, & illi causam non dederint interdicto, aut eis vel illis contigerit specialiter interdicti) possint per se ipsos, qui Bull. Rom. Tom. IV. Par. I.

Confessorem sibi eligere Referendarii, qui in casibus dictis, quibus hic, absolvere, & vota hic non excepta commutare possunt.

Facultas haberi altare portatile, & celebrandi in loco interdicto suppositi.

Presbyteri fuerint, aut proprium vel alium Sacerdotem idoneum, missas & alia divina officia celebrare, seu celebrari facere, necnon tempore interdicti huiusmodi divinis interesse, ac Ecclesiastica sacramenta recipere, & ipsis dicto tempore decedentibus, eorum corpora Ecclesiastica, etiam cum funerali pompa, tradi possint sepulture.

§.16. Necnon singulis Quadragesimalibus & aliis temporibus, & diebus Stationum Basilicarum, & Ecclesiarum Almae Urbis, & extra muros ejus, duas Ecclesias, vel duo, aut tria altaria, unius, vel diversarum Ecclesiarum, in locis ubi ipsos, & eorum singulos pro tempore eligendos, seu eligenda, visitando, omnes & singulas indulgentias, & peccatorum remissiones consequantur, quas consequerentur, si eisdem temporibus & diebus, Stationum Basilicas, & Ecclesias Urbis huiusmodi, & extra muros ejus ad id deputatas personaliter visitarent.

§.17. Ac eisdem Quadragesimalibus, & aliis temporibus, quibus elus carnum, ovorum, casei, & lacticianorum, de jure vel consuetudine est prohibitus, eisdem, ovis, caseo, butyro, & aliis lacticiis, ac de utriusque Medici consilio, carnibus, absque conscientiae scrupulo, uti, frui, & vesci.

§.18. Necnon etiam quoad vixerint, & quoties eis placuerit, per seipsos, aut cum uno, vel duobus amicis, seu familiaribus suis per eos pro tempore eligendis, horas canonicas diurnas pariter & nocturnas, ac alia divina officia secundum usum, & morem dictae Romanae Ecclesiae, dicere & recitare, libere & licite valeant, & ad alium usum super hoc observandum minime teneantur, nec ad id a quoquam, etiam ratione quorumcumque beneficiorum Ecclesiasticorum per eos pro tempore obtentorum, inviti compelli possint, etiam indulgemus. Et ulterius Referendariis & aliis infra scriptis, ac eorum singulis utriusque sexus Parochianos Parochialium Ecclesiarum, & aliorum Beneficiorum Ecclesiasticorum quorumcumque, per eos & eorum singulos, nunc & pro tempore obtentorum, ad eos confessionis audienda causa, pro tempore confluentium, confessionibus illorum per eos diligenter auditis, a quibusvis eorum peccatis, criminibus, excessibus, & delictis, in omnibus & singulis casibus, in quibus Ordinarii locorum de jure vel consuetudine absolvere possint, quoties opportunum fuerit, Dioecesani loci & cuiusvis alterius licentia super hoc minime requisita, absolvere, & eis pro commissis poenitentiam salutarem injungere.

§.19. Necnon, ut de omnibus, & singulis bonis mobilibus, & semoventibus, ac immobilibus ubilibet consistentibus, necnon iuribus & actionibus, quae ad eos, & eorum quemlibet, etiam Archiepiscopos, vel Episcopos, etiam ratione suarum, quibus praesse dignoscuntur, ac aliarum Cathedralium Ecclesiarum, etiam Metropolitanarum ad quas eos transferri contigerit, & alio-

Indulgentias Stationi Urbis referendarii consequuntur visitando Altaria per eos eligenda.

Carnibus vesci possunt diebus vetitis.

Horasque canonicas poenitentias horis recitare possunt.

Testarique etiam de bonis acquisitis ex beneficiis, prout Auditores Rotae Auditorum Rotae facultatem istam habet supra sol. in Clemente VIII. Const. XIII.

& aliorum beneficiorum Ecclesiasticorum, Sæcularium, & Regularium quorumcumque obtentorum, & obtinendorum, quomodolibet pertinent, & pertinebunt, acquisitis, & acquirendis, prout Auditores Curie causarum Palatii Apostolici ex privilegio Apostolico, eis per nonnullos Romanos Pontifices Prædecessores nostros, & præsertim præfatum Julium Prædecessorem per ejus literas, quas nos vidisse, tenuisse, & legisse, etiam motu simili attestamur, etiam cum expressis clausulis derogatoriis derogatoriis concessio, vel alias disponere, erogare, testari, codicillari, & convertere possint, tam in vita, quam eorum ultima voluntate, aut alio quocumque tempore, ac inter consanguineos, & alias quascumque personas, etiam non notas, & loca, etiam causa mortis, aut donationis inter vivos, necnon pro expensis funerum, & remuneratione illorum, qui eis viventibus servierint, disponere, erogare, testari, codicillari, & ordinare, ac illa alios in pios, & quocumque alios licitos usus, prout videbitur expedire, convertere, absque aliquo conscientie scrupulo, libere, & licite valeant.

Resignandi- que, & permutandi beneficia.

§.20. Et demum, eis & illorum singulis, Beneficia Ecclesiastica, cum cura & sine cura, sæcularia, & quorumvis Ordinum Regularia, que etiam ex quibusvis concessionibus, & dispensationibus Apostolicis in titulum, & commendam ac ut invicem, seu aliis, beneficiis ad eorum vitam unita obtinent, & in posterum obtinebunt, simul vel successive, simpliciter, aut pro alio, vel aliis simili, vel dissimili, aut similibus, vel dissimilibus, Beneficio, seu Beneficiis, Ecclesiastico, vel Ecclesiasticis, cum quibusvis personis secum permutare volentibus, ex causa permutationis hujusmodi, in qua tamen nulla illicita pactio, sive simoniaca pravitas interveniat, in Ordinariorum locorum, aut Canonico- rum Metropolitanarum, vel aliarum Cathedralium Ecclesiarum, seu aliarum personarum in dignitate Ecclesiastica constitutarum, ad id per eos, vel Procuratores suos legitimos, eligendorum seu eligendarum manibus extra Romanam Curiam præfatam, ejusdem Apostolicæ Sedis, seu cujusvis alterius licentia super hoc minime requisita, quoties eis placuerit, resignandi, & commendis cedendi, necnon unionum, hujusmodi dissolutioni consentiendum, ipsis Ordinariis, Canonicis, & personis in dignitate Ecclesiastica constitutis resignationes ab eisdem Referendariis, & aliis infra- scriptis, simpliciter, vel ex eadem causa, & ab ipsis compermutantibus personis, ex dicta causa dumtaxat, & commendarum, cessiones extra eandem Curiam recipiendi, & admittendi, unionesque hujusmodi dissolvendi, necnon ea, que ipsi Referendarii, & alii infra scripti simpliciter resignaverint, seu quorum commendis cesserint, aut unionum dissolutioni consenserint idoneæ, vel idoneis ad id per eos, seu Procuratores prædictos nominandis, etiam,

quæcumque, quotcumque, & qualicumque Beneficia Ecclesiastica obtinentibus, & expectantibus, & quæ ex eadem causa secum permutantibus personis. Quæ vero ipsæ compermutantes personæ resignaverint, beneficia hujusmodi, etiam si, ut præfertur, qualificata, & per eos pro tempore obtenta, ex personis ipsorum Referendariorum, & aliorum infra scriptorum, vel quavis alia causa dispositioni Apostolicæ generaliter reservata, seu ex generali reservatione Apostolica affecta fuerint (dummodo Prioratus, vel alia dignitas Conventualis, aut in Metropolitana, vel alia Cathedralibus post Pontificales majores; seu Collegiatis Ecclesiis hujusmodi principales, ac compermutantium personarum similem facultatem non habentium, beneficia hujusmodi dispositioni Apostolicæ generaliter reservata, seu affecta non existant) eisdem Referendariis, & aliis infra scriptis, per eos quoad vixerint, juxta tenorem dispensationum eis pro tempore concessarum in titulum, vel commendam tenenda, conferendi, & de illis etiam providendi, omniaque & singula alia in præmissis, & circa ea, necessaria, seu quomodolibet opportuna faciendi, & exequendi, etiam si dicti Referendarii beneficiorum hujusmodi possessionem per quatuor menses non obtine- rint, aut illam nondum assecuti fuerint, plenam, & liberam facultatem concedimus.

§.21. Decernentes, semel admissum & receptum in Referendarium hæcenus, & in futurum, semper Referendarium existere, ac ejus officium quoad vixerit durare, & privilegiis aliis Referendariis concessis pro tempore gaudere, & inter illos primo quodcumque admissum, ceteris quacumque etiam Pontificali dignitate fungentibus, in officio Referendariatus hujusmodi præferri.

§.22. Sicque pro præmissorum omnium validitate, efficacia, & observacione, per quoscumque Judices, & Commissarios, etiam causarum Palatii hujusmodi Auditores, sublata eis, & eorum cuilibet, quavis aliter sententiandi, judicandi, interpretandi facultate, sententiarum, judicari, interpretari, & definiti debere, necnon irritum & inane quicquid desuper per quoscumque quavis auctoritate scienter, vel ignoranter contigerit attentari.

§.23. Quocirca Venerabilibus Fratribus nostris Archiepiscopo Sipontino & Episcopo Nuscano, ac dilecto filio Vicario Venerabilis Fratris nostri Archiepiscopi Mediolanensis in spiritualibus generali, tenore presentium committimus & mandamus, quatenus ipsi, vel duo, aut unus eorum, per se, vel alium, seu alios, presentes literas & in eis contenta quæcumque ubi, & quando opus fuerit, ac quoties pro parte Referendariorum, & aliorum infra scriptorum prædictorum desuper fuerint requisiti, solemniter publicantes, eisque in præmissis efficacis defensionis præsidio assistentes, faciant, auctoritate nostra presentes literas, & in eis contenta quæcumque firmiter observari, ac per Referendarios, & alios in-

Referendarii officium durat vita durante, & primo admissi, præferuntur.

Decretum irritans.

Defensores Referendariorum.

frascriptos necnon singulos alios quos ipsa presentes literæ concernunt, illis omnibus pacifice gaudere, ac fructus, redditus, & proventus prædictos eisdem Referendariis, & aliis infra scriptis, juxta hujusmodi nostre concessionis de illis in absentia percipiendis, continentiam & tenorem, integre ministrari. Non permittentes eos per Archiepiscopos, Episcopos, Prælatos, Ordinarios, Vicarios, Officiales, Locatenentes, Judices, & exactores præfatos, ac dilectos filios Ecclesiarum prædictarum Capitula, seu quoscumque alios, quacumque auctoritate fungentes, contra præmissa, vel eorum aliquod, aut presentium tenorem quomodolibet molestari, inquietari, perturbari, aut ad residendum in eisdem Ecclesiis, sive locis compelli. Contradictores, molestatores quoscumque & rebelles per censuras, &c. Non obstantibus, &c.

Declaratio circa beneficia.

§.24. Volumus autem quod incompatibilia sæcularia, & sub eisdem testis consistentia, ac sacros Ordines requirentia, & alia sæcularia, necnon regularia beneficia hujusmodi, debitis propterea non fraudentur obsequiis, & animarum cura in eis, quibus illa imminet, nullatenus negligatur, sed in eis quorum fructus hujusmodi ipsos Referendarios, & alios infra scriptos, in absentia percipere contingeret, per bonos, & sufficientes Vicarios, quibus de ipsorum Beneficiorum proventibus necessaria congrue ministrarentur, & diligenter exerceatur, & inserviat inibi laudabiliter in divinis. Ac sub eisdem testis consistentium consueti, & regularis Beneficiorum prædictorum antedicta onera congrue supportentur. Ac quod ipsi Referendarii, & alii infra scripti, infra dictum annum duo ex tribus præbendis, aut totidem dignitatibus, personatibus, administrationibus, vel officiis sub eisdem testis consistentibus, que maluerint, pro aliis beneficiis cum retentis Canonicatibus permutare, alioquin illa duo, que primo assecuti fuerint, ex tunc dicto anno elapso vacare decernimus, dimittere omnino teneantur.

Et confessio- nale.

§.25. Et ne, quod absit, Referendarii ipsi propter hujusmodi gratiam vel concessionem eligendi Confessores, reddantur procliviores ad illicita in posterum committenda, etiam volumus, quod si a sinceritate fidei, unitate dictæ Romanæ Ecclesiæ, ac obedientia, & devotione nostra, vel successorum nostrorum canonice intrantium, destiterint, aut ex confidentia ejusdem concessionis, vel remissionis aliqua forsitan commiserint, concessio, & remissio prædictæ, & quoad illas dumtaxat, presentes literæ eis nullatenus suffragentur.

Et celebrandi ante diem.

§.26. Quodque indulto celebrandi, seu celebrari faciendi ante diem parce utantur, quia cum in altaris ministerio immoletur Dominus noster Jesus Christus Dei Filius, qui candor est lucis æternæ, congruit hoc non noctis tenebris fieri, sed in luce.

Recitandique horas Canonicas.

§.27. Ac quod dum eisdem Referendarios Divinis Officiis in aliquibus Ecclesiis contigerit interesse, illum morem, qui in

eisdem Ecclesiis observabitur circa hujusmodi horas canonicas dicendas studeant observare.

§.28. Necnon, ut in eorundem Ecclesiasticorum dispositione bonorum juxta quantitatem, residui erga Ecclesias, a quibus eadem perceperint, se liberales exhibeant, prout conscientia eis dictaverit, & animarum suarum saluti viderint expedire. Quodque si singulorum Beneficiorum prædictorum simpliciter resignandorum, seu quorum commendis dicti Referendarii, & alii infra scripti cesserint, aut dissolutioni unionum consenserint, fructus, redditus, & proventus viginti quatuor florenorum auri de Camera, secundum communem estimationem, valorem annuum excedant, conferentes, & illi quibus conferentur, etiam ex dicta causa resignationis hujusmodi fiant, ac suorum, & eis ex eadem causa collatorum Beneficiorum hujusmodi fructus, redditus, & proventus inæquales majoris valoris fuerint, etiam si ipsa æqualitas viginti quatuor florenorum similes, secundum estimationem prædictam non transcendat, similiter conferentes prædicti, & illi, quibus Beneficia majoris valoris hujusmodi collata fuerint, de nominibus, & cognominibus personarum, & Beneficiorum eorundem, ac diebus factarum collationum hujusmodi gentes Camere Apostolicæ, aut Collectores, vel Subcollectores fructuum, & proventuum eidem Camere debitorum, in quibus illis pro tempore deputatos, infra unius si citra, & tres menses si ultra montes collationes ipsæ factæ fuerint juxta Sixti V. & Innocentii VIII. prædictorum super hoc editas literas certificare procurent, alioquin Beneficia ipsa sic collata vacare censentur eo ipso.

Disponendi que de bonis Ecclesiasticis.

§.29. Verum quia difficile foret præfatas literas ad singula, in quibus de eis fides forsan facienda foret, loca deferre, similiter volumus, & eadem auctoritate decernimus, quod ipsarum transumptis manu Notarii publici subscriptis, &c.

Fides transumptorum.

Forma autem juramenti, quod Notarii, Tabelliones, & Judices per dictos Referendarios creandi præstabunt, talis est.

§.30. Ego N. ab hac hora inantea, fidelis & obediens ero Beato Petro, & S. R. E. & D. N. D. Paulo Papæ III. suisque Successoribus canonice intrantibus, non ero in consilio cum alio, consensu, vel facto, ut vitam perdant, aut membrum, seu capiantur mala captione. Consilium vero quod mihi per se, aut literas, seu nuncium manifestabunt, & ad eorum damnum scienter nemini pandam. Si vero aliquid ad mei notitiam pervenire contingat, quod in periculum Romani Pontificis, aut Ecclesiæ Romanæ vergeret seu grave damnum, illud pro posse impediam, & si hæc impedire non potero, procurabo bona fide id ad notitiam D. N. Papæ perferre. Papatum Romanum, & regalia S. Petri, ac jura ipsius Ecclesiæ, si qua eidem Ecclesiæ in Civitate,

Forma juramenti Notariorum a Referendariis creandi.